



册府元龜
卷之四百八十七



13
849
161



門 4 3
號 849
卷 161



冊府元龜

淮南李嗣京 茶閱

西極文翔鳳 同正

豫章黃國琦 一 釋

邦計部 四

戶籍 遷徙

戶籍

自昔帝疆理天下畫為萬國而戶籍之制無聞焉禹
別之際聊可紀述施及周室六官竝建而司民掌登
萬民之數自生齒以上皆書於版太宰之職聽閭里

以版圖然後計口占數之法著矣秦民之後迄于漢世書年附籍因革或異鼎國而降逮於東晉僑居頗衆多仍舊號爾後南北之制竝立公襲之典旣殊隋令唐式斯可遵矣乃若比屋之登耗夫家之衆寡乘亂離之云瘼因而削減屬承平之寢久復以富庶皆開卷而可覩焉信乎有司之傳史官之計不可以忽已

夏禹平水土爲九州人口千三百五十五萬三千九百二十三

周成王致理刑措人口千三百七十萬四千九百三

十三

莊王十三年五千里外非天子之御自太子公卿以下至于庶人凡一千一百八十四萬一千九百三十三人

秦獻公十年爲戶籍相伍

始皇十六年初令男子書年

漢高帝初爲沛公旣至咸陽沛丞蕭何先入收秦丞相御史律令圖書藏之沛公具知天下阨塞戶口多少強弱處民所疾苦者以何得秦圖書

景帝二年令天下男子年二十而傅傅音附著也著各籍給公家徭

後

元帝元始二年人戶千二百二十三萬三千口千九百五十九萬四千九百七十八

後漢光武中元二年戶四百二十七萬六百三十四口二千一百萬七千八百二十

桓帝永壽三年戶千六百七萬七千九百六十口五千六百四十八萬六千八百五十六

魏陳留王時戶六十六萬三千四百二十三口四百四十三萬二千八百八十一又平蜀得戶二十八萬

口九十四萬天下戶九十四萬三千四百二十三口

五百三十七萬二千八百八十

蜀先主章武元年國有戶二十萬男女口九十萬

吳大帝赤烏五年國中戶五十二萬男女口二百三十萬

晉武帝時戶一百九十二萬六千八百四口千三百八十六萬三千八百六十三太康元年平吳收其圖

籍得戶五十二萬三千男女口二百三十萬天下戶二千二百四十五萬九千八百四口千六百一十六

萬三千八百六十三有司又奏男子年六十已上至六十為正丁五十以下至十三六十已上至六十五

為次丁十二以下六十六以上為老小不事

元帝時百姓自拔奔者竝謂之僑人皆取舊壤之名
僑立郡縣往往散居無有土著

哀帝興寧二年三月庚戌朔大閱戶人嚴法禁稱為

庚戌制 一說天下
所在上著

宋高祖初為晉侍中錄尚書上表曰臣聞先王制治
九土攸序分境畫疆各安其居在昔盛世人無遷業
故井田之制三代以隆秦革斯政漢遂不改富強兼
并於是為弊然九服弗擾所託成舊在漢西京大遷
田景之族以實關中即以三輔為鄉閭不復係之於

齊楚自永嘉播越爰託淮海朝有興復之美民懷思
本之心經略之圖不暇給是以寧民緩治猶有未遑
及至大司馬桓溫以民無定本傷治為深庚戌土斷
以一其業于時財阜國豐實由於此自茲迄今彌歷
年載畫一之制漸用頽弛雜居流寓閭伍弗修王化
所以未純民瘼所以猶在臣荷重任恥責實深自非
改調更張無以濟治夫人情滯掌難與慮始所謂父
母之邦以為桑梓者誠以生焉終焉敬愛所託耳今
所居累世墳壠成行敬恭之誠豈不與事而至請准
庶戍土斷之科庶子本所弘稍與事着然後率之以

仁義鼓之以威武超大江而跨黃河撫九州而復舊土則戀本之志乃速申於當年在始暫勤要終所以能易伏惟陛下垂矜萬民憐其所失永懷鴻鴈之詩思隆中興之業既委臣以國重期臣以寧濟若所啓合允請付外施行於是依界土斷惟徐兗青三州居晉陵者不在斷例諸流寓郡多被并省

永初元年八月戊午詔先是開赦限內首出蠲租布二年先有狀黃籍猶存者聽復本注諸舊郡縣以北爲名者悉除寓立於南者聽以南爲號

孝武大明八年戶九十萬六千八百七十口四百六

十八萬五千五百一 是時王敬弘上言舊制人年十二半役十六全當以十三以上能自營私及公故以充役考之見事猶或未盡體有強弱不能稱耳循吏隱恤可無甚患庸愚守宰必有勤劇况值苛政豈可稱言至令逃竄求免胎孕不育乃避罪憲實亦由茲今皇化惟新四方無事役名之空應存消息十五至十六空爲半丁十七爲全丁帝從之

後廢帝元徽元年詔曰分方正俗著自虞冊川谷異制煥乎姬典故井遂有辨閭伍無雜用能七教克宣八政斯序雖綿代殊軌沿革異儀或民懷遷俗或國

尚興徙漢陽烈燕代之豪闔西熾齊楚之族並通籍
新邑卽居成舊洎金行委御禮樂南移中州黎庶
召揚越聖武造運道一闕區貽長世之規申土斷之
制而夷險相因盈晦迺襲歲饉彫流戎役惰散違鄉
寓境漸至繁積空式遵鴻軌以爲永憲庶阜俗昌民
反風定保夷胥山之險澄清滄海之波括河圖於九
服振玉劍於五都矣

南齊太祖建元二年勅黃門郎虞玩之與驍騎將軍
傅堅竟簡定簿籍詔朝臣曰黃籍民之大統國之治
端自頃民俗巧僞爲日已久至乃竊注爵位盜易年

月增損三狀質襲萬端或戶存而文書已絕或人在
而反託死叛停私而云隸後身強而稱六疾編戶齊
家少不如此皆政之巨蠹教之深疵比年雖赦籍改
書終無洗實若約之以刑則民僞已遠若緩之以德
則勝殘未易卿諸賢竝深明治體可各獻嘉謀以振
澆化又臺坊訪募此制不近憂刻素定閑劇有掌宋
元嘉以前茲後嘗蒲大明以後樂補稍絕或緣寇難
頻起軍蔭易多民庶從利役坊者寡然國經未變朝
紀寧在相揆而言隆替何速此急病之洪源畧景之
切患以何科算革私弊耶玩之上表曰宋元二十七

年八條取人孝建元年書籍衆巧之所始也元嘉中故光祿大夫傅隆年出七十猶手自書籍躬加隱較何必有石建之慎高柔之勤蓋以世之休服道修身故耳今陛下日旰忘食未明求衣詔逮幽愚謹陳妄說古之共治天下惟良二千石今欲求治取正其在勤明令長凡受籍縣不加簡合封送州州簡得巧方却歸縣吏貪其賂民肆其奸奸彌深而却引多賂愈厚而答愈緩自泰始三年至元徽四年楊州等九郡四號黃籍共却七萬一千餘戶于今十一年矣而所正者猶未及四方神州輿區尚或如此江湖諸郡皆

不可念愚謂宜以元嘉二十七年籍爲正民情法既久今建元元年書籍宜更立明科一聽首悔迷而不反依制必戮使官長於階簡較必令明洗然後上州永以爲正若有虛昧州縣同科今戶口多少不減元嘉而板募頓闕弊亦有以自孝建以來入勲者衆其中操干戈衛社稷者三分殆無一焉勲簿所領而詐注辭籍浮遊世要非官長所居錄復爲不少尋蘇俊平後庾亮就溫嶠求勲籍而嶠不與以爲陶侶所上多非實錄尋物之懷私無世不有宋末落細此巧尤多又將位旣衆舉卹爲祿實潤甚微而人領數萬如

此二條天下合後之身已據其大半矣又有改注籍
狀化入仕流昔爲人後者今反後人又生不長髮便
謂爲道填街溢巷是處皆然或抱子井居境不編戶
遷徙去來公違土斷屬後無漏流亡不歸寧喪終身
疾病長臥法令必行自然競反四鎮戍將有名寡實
隨才部曲無辨勇懦署位借給巫媪比肩彌山滿海
皆是私後行貨求位其易募後卑劇何爲投補坊吏
之所以盡百里之所以殫也今但使募制明信滿腹
有期民無遙路則坊可立表而盈矣爲治不患無制
患在不行不患不行患在不久上省玩之表納之乃

別置較籍官置令史限人一日得數巧以妨懈怠於
是皆賂因緣籍注雖正猶強推却以充程限至世祖
永明八年謫巧者戍緣淮各十年百姓怨望世祖乃
詔曰夫簡貴賤辨尊卑者莫不取信於黃籍豈有假
器濫榮竊服非分故所以澄革虛妄式允舊章然釁
起前代過非近失既往之訾不足追咎自宋昇明以
來皆聽復注其有謫後邊疆各許還本此後有犯嚴
加剪治

梁高祖天監元年土斷南徐州諸僑郡縣

陳文帝天嘉元年詔曰自頃喪亂編戶播遷言念餘

黎良可哀惕其亡鄉失土逐食流移者今年內隨其適樂來歲不問僑舊悉令著籍同土斷之例

宣帝時戶六十萬

後主時戶五十萬口二百萬

後魏孝文太和十年二月甲戌初立黨里隣三長定

民戶籍魏初不立三長故民多蔭附蔭附者皆無官

後豪強徵斂倍于公賦是年給事中李冲上言宜准

古五家立一隣長五隣立一里長五里立一黨長取

鄉人強謹者充從之

十一年九月詔曰去夏以歲旱民饑須遣就食舊籍

雜亂難可分簡故依局割民閱戶造籍欲令去留得

實賑貸平均然乃者以來猶有餓死衢路無人收識

良繇本部不明籍貫未實稟恤不用以至於此朕猥

居民上聞用慨然可重遣精簡勿令遺漏一人孝明正

光以前時惟全盛戶口之數比晉太康倍而餘矣按

太康元年戶二百四十五萬三千八百
百今云倍而餘者則五百餘萬矣

孝莊末爾朱之亂其後分爲二國戶三百三十七萬

五千三百六十八

北齊神武爲東魏孝靜相興和中頻歲大穰穀斛至

九錢是時法網寬弛百姓多離舊居闕於徭賦神武

乃命孫騰高隆之分括無籍之戶得六十餘萬於是
僑居者各勒還本屬

武成河清三年定令乃命人居十家爲比隣五十家
爲閭里百家爲族黨男子十八以上六十五以下爲
丁十六以上十七以下爲中六十六以上爲老十五
以下爲小

少帝承光元年爲周師所滅有戶二百三萬二千五
百二十八口二千萬六千八百八十

後周太祖爲相創制六官載師掌任土之法辨夫家
田里之數會六畜車乘之稽審賦役斂弛之節制畿

疆修廣之域頒施惠之要審收產之政

宣帝大象中戶三百五十九萬九千六百四

隋高祖開皇二年受周禪有戶三百六十萬乃頒新
令男女三歲以下爲黃十以下爲小十七以下爲中
十八以上爲丁以從課役六十爲老乃免

三年正月初令軍人以二十一成丁是時山東尚承
齊俗機巧奸僞避役惰遊者十六七四方疲人或詐
老或小規免雜賦高祖乃令州縣大索貌閱戶口不
實者正長遠配而又開相糾之科大功以下兼令折
籍各爲戶頭以防容隱於是計帳進四十萬三千丁

新附一百六十四萬五百戶左僕射高頌以人間課
後雖有定分年嘗徵納除注嘗多長吏肆情文帳出
沒復無定簿難以推較乃爲輸籍定樣請遍下諸州
每年正月五日縣令巡人各隨便延五黨共爲一團
依樣定戶上下帝從之自是奸無所容矣

十年五月詔曰魏末喪亂寓縣瓜分後車歲動未遑
休息兵士軍人構置坊府南征北伐居處無定家無
完堵地罕苞桑嘗爲流寓之人竟無鄉里之號朕甚
愍之凡是居人可悉屬州縣墾田籍帳一與民同軍
府統領宜依舊式

煬帝卽位詔男子以二十二成丁

大業二年戶八百九十萬七千五百三十六口四千
六百一萬九千五十六

唐高祖武德二年十二月七日勅百姓年五十者皆
免課役

六年三月令以始生爲黃四歲爲小十六爲中二十
一爲丁六十爲老是月令天下戶量其資產定爲三
等每歲一造帳三年一造籍州縣留五比尚書省留
三比

九年三月詔天下戶爲三等未盡升降宜爲九等

太宗貞觀中戶不滿三百萬

二十年太宗問民部侍郎盧承慶歷代戶口多少之數承慶敘夏殷之後迄於周隋皆有依據太宗嗟賞久之

高宗永徽三年七月二十二日帝問戶部尚書高履行去年進戶多少履行奏去年進戶一十五萬高宗以天下進戶旣多謂無忌曰比來國家無事戶口稍多三二十年足堪殷實因問隋有幾戶今有幾戶履行奏隋大業中戶八百七十萬今戶三百八十五萬帝曰自隋末亂離戶口減耗邇來雖復蘇息猶大小

于隋初

五年二月勅天下二年一定戶

顯慶二年十月高宗問中書令杜正倫隋有幾戶正倫奏大業初有八百餘萬戶末年離亂至武德有二百餘萬戶

總章元年十月司空李勣破高麗國虜其王下城百七十戶六十九萬七千二百配江淮以南山南京西儀鳳二年二月勅自今以後漢省籍及州縣籍

則天延載元年八月勅諸戶口計年將入丁老疾應免課後及給侍者皆縣親貌形狀以爲定簿一定已

後不得更貌疑有奸濫者聽隨時貌定以附手實
證聖元年鳳閣舍人李嶠上表口臣聞黎庶之數戶
口之衆而條貫不失按此可知者在于各有管統明
其簿籍而已今天下之人流散非一或違背軍鎮或
因緣逐糧苟免歲時偷避徭役此等浮衣寓食積歲
淹年王役不供簿籍不挂或出入關防或往來山澤
非直課調虛蠲闕於嘗賦亦自誘動愚俗堪爲患禍
不可不深慮也或逃亡之戶或有簡察卽轉入他境
還行自容所司雖具條科頒其法禁而相看爲例莫
適遵承縱欲糾設其憊違加之刑罰則百州千郡庸

可盡科前旣依違後仍積習簡獲者無賞停止者獲
原浮逃不悛亦由於此今縱更搜簡而委之州縣則
還襲舊蹤卒於無益臣以爲宜令御史督察簡較設
禁令以防之垂恩德以撫之施權衡以御之爲制限
以一之然後逃亡可還浮寓可絕所謂禁令者使閭
閻可保遞相覺察前後乖避皆許自新仍有不出輒
聽相告每糾一人隨事加賞明爲科目使知勸沮所
謂恩德者逃亡之徒久離桑梓糧儲空闕田地荒廢
卽當賑于乏少助其修營雖有欠賦懸徭背軍離鎮
亦皆捨而不問寬而勿徵其應還家而貧乏不能致

者乃給程糧使達木買所謂權衡者逃人有絕家去鄉離本失業必樂所任情不願還聽於所在隸名卽編爲戶夫顧小利者失大計存近務者喪遠置今之議者或不達於變通以爲軍府之地戶不可移關輔之人貫不可改爲越關繼踵背府相尋是開其逃亡而禁其割隸也就令逃亡者多不能總許割隸猶當計其戶口等量爲節支殷富者令還貧弱者令存簡責已定計科已明戶無失編人無廢業然後按前躅申舊章嚴爲防禁與人更始謂限制者逃亡之人應自首者以符到百日爲限限滿不出依法科罪遷之

邊州如此則戶無所遺人無所匿矣

萬歲通天元年七月二十二日勅天下百姓父母另外斷別籍者所折之戶等第竝須與本戶同不得降下其應入役者共計本戶丁中用爲等級不得以折生蠲免其差科各從折戶祇承勿容遞相影護

中宗神龍元年五月十八日制二十二成丁五十九

免役

因韋庶人所奏

十一月戶部尚書蘇瓌奏計戶六百一十五萬六千一百四十

景龍二年閏九月勅諸籍應送省者附當州庸調車

送若庸調不入京僱脚運送所須脚直以官物充諸州縣籍手實計帳嘗留五比省籍留九比其遠年依次除皇宗祖廟難毀其子孫皆於宗正附籍自外悉以百姓例

睿宗景雲元年七月勅韋庶人所奏成丁入老宐停玄宗開元九年正月二十八日監察御史宇文融請簡察色役偽濫并逃戶及籍田因令充使於是奏勸農判官數十人使還得戶八十餘萬田亦稱是

十二年八月宇文融除御史中丞充諸色安輯戶使

十四年戶部進計帳言今年管戶七百六萬九千五百六十五

十八年十一月勅天下戶等第未平昇降須實比來富商大賈多與官吏往還遞相憑囑求居下等自今以後不得更然如有囑請者所由牧宰錄名封進朕當處分京都委御史外州委本道如有隱蔽不言隨事彈奏

是月又勅諸戶籍三年一造起正月上旬縣司責手實計帳赴州依式勘造鄉別為卷總寫三通其縫皆注某州某縣某年籍州各用州印縣各用縣印三月

三十日納訖並裝潢一通送尚書省州縣各留一通
所須紙筆裝潢並皆出當戶戶口內外一錢其戶每
以造籍年預定為九等便注籍脚有折生新附者于
舊戶後以次編附

二十年戶部計帳管戶七百八十六萬一千二百三
十六口四千五百四十三萬一千二百六十五

二十二年戶部計帳管戶八百萬八千七百一十

二十四年三月勅朕以百姓為心固非一人獨理委
之牧宰輯寧兆庶若考論政績在戶口存亡不在甄
明何憑賞罰自今以後天下諸州戶口或刺史縣令

自離任者竝立分明交付州縣仍每至年終各具存
亡及增加實數同申竝委採訪使重覆報省所司明
為課最具條件奏聞隨事褒貶以旌善惡

七月勅諸州逃人先除籍帳能自歸復業者其應徵
當年租庸資課一事已上竝宐放免其隱漏舉首改
正人等亦宐准此

二十六年二月勅諸州應歸首復業比來每至年終
皆當州錄奏自今已後竝宐牒報本道採訪使同勘
當道歸首人每州畧單數同一狀奏仍挾名報所由
二十九年二月勅自今以後應造籍宐令州縣長令

錄事參軍審加勘覆更有疎遺者委所司具本判官及官長等各品錄奏其籍仍寫兩本送戶部

三月勅天下諸州每歲一團貌既以轉年為定復有籍書可憑何至勞煩不從簡易於人非便事資釐革自今以後每年小團宜停待至三年定戶日一時團貌仍令所司條件處分

天寶元年正月制節文如聞百姓之內或有戶高丁多苟為規避父母見在別籍異居宜令州縣仔細勘會其一家之中有十丁以上者放兩丁征行賦役五丁已上者放一丁即令同籍共居以敦風教如更犯

者准法科罪是年戶八百三十四萬八千三百九十

五口四千五百三十一萬一千二百七十二

一云計戶八百

五十三萬五千七百六十三

三年正月十六日勅天寶三年改為三載者所論前後年號一切為載其後造帳記歲月云若干載白餘表狀文章竝准此

二月二十五日制天下籍造四本京師東京尚書省戶部各貯一本十二月二十五日赦文比者成童之歲則挂輕徭既冠之年使當正役聞其勞苦用軫于懷自今以後百姓宜以十八已上為中男二十三已

上成丁

四載三月勅朕聽政之餘而精思理本意有所得庶益於人且什一而稅前王令典農商異宜舊制猶關今欲審其戶等極貧乏之人賦彼商賈抑浮惰之業優劣之際有深察之明閭里之間無不均之歎頃以人不欲擾法貴從寬所以比來未全定戶今已經數載產業或成適可因茲平於賦稅自今已後每至定戶之時宜委縣令與村鄉對定審於衆議察以資財不得容有愛憎以為高下徇其虛妄令不均平使每等之中皆稱允當仍委太守詳覆如有不平縣令錄

奏量事貶降其鄉村對定之人便與節級科罪覆定之後明立簿書每有差科先從高等務茲不足庶叶彝倫是月戶部郎中王鉷加勾當戶口色役使七月勅令載諸郡因團貌宜便定戶自今已後任依宣式應察問對衆取平是載制天下籍造四本京師東京尚書省戶部各貯一本五載六月勅自今以後應造籍帳及公私文書所言田地四至者改為路

九載十二月二十九日勅天下郡縣雖一載定戶每載亦有團貌計其轉年合入中男成丁五十九者任

退團貌

十二載正月勅應送東京籍宜停

十三載計戶口九百六萬九千一百五十四

肅宗至德元年計戶八百一萬八千七百一十

乾元三年計戶一百九十三萬一千一百四十五

代宗寶應元年九月勅客戶若任經一年已上自貼

買得田地有農桑者無間於莊蔭家住及自造屋舍

勒一切編附為百姓差科比居人例量減一半庶填

逃散

廣德元年七月赦天下男子二十五成丁五十五入

老

二年二月二十一日赦天下戶口委輸刺史縣令據

見在實戶量貧富作等第差科不得依舊籍帳是年

計戶二百九十三萬三千一百二十五

大曆四年八月勅名籍一家輒請移改詐冒規避多

出此流自今以後割貫改名一切禁斷

德宗以大曆十四年卽位十一月己丑詔令前州府

造籍者罷之初戶部奏請令造籍從之尋以為未可

故罷

建中元年十二月定天下兩稅戶凡三百八十萬五

千七十六

貞元三年五月詔曰諸州戶減耗三分去二其官亦令減省

憲宗元和二年十二月史官李吉甫等撰元和國計簿十卷總計天下方鎮凡四十九道管州府二百九十五縣一千四百五十三見定戶二百一十四萬五百五十四

其鳳翔郵坊邠寧振武涇原銀夏靈鹽河東易定魏博鎮冀范陽淮西淄青十五道

七十一州並不申戶口數每歲賦入倚辨止於浙東宣歙淮南江西鄂岳福建湖南等道合四十九州一百四十萬戶比量天寶供稅之戶四分有一天下兵戎俾給照官

八十三萬餘人比量士馬三分加一卒以兩戶資一

兵其他水旱所損徵科妄斂又在嘗後之外

李吉甫等又云

元和中戶二百四十七萬三千九百六十三

六年正月衡州刺史呂溫奏當州舊額戶一萬八千四百七除貧窮死絕老幼單孤不支濟等外堪差科戶八千二百五十七臣到後團定戶稅次簡責出所由隱藏不輸稅戶一萬六千七伏緣聖恩錄臣在道州徵効擢授大郡令撫傷殘臣昨尋舊案詢問閭里承前徵稅並無等第又二十餘年都不定戶存亡孰察貧富不均臣不敢因循設法團定簡獲隱戶數約

萬餘州縣雖不增徵科所由已私自率斂與其潛資於奸吏豈若均助於疲人臣請作此方圓以救凋瘵庶得下免偏苦上不闕供勅宜付所司

二月制自定兩稅以來刺史以戶口增減爲殿最故有折戶以張虛數或分產以繫戶名兼招引浮客用爲增益至于稅額一無所加徒使人心易搖土著者寡觀察使嚴加訪察必令詰實

穆宗以元和十五年正月卽位勅天下百姓自屬艱難棄于鄉井戶部版籍虛繫姓名建中元年以來改革舊制悉歸兩稅法久卽弊奸濫益生自今以後宜

准例三年一定兩稅非論土著客居但據資產差率

長慶中戶三百九十四萬四千九百五十九

敬宗寶曆中戶三百九十七萬八千九百八十二

文宗大和中戶四百三十五萬七千五百七十三

開成二年正月戶部侍郎判度支王彥威進所撰供軍圖其表畧曰起自至德乾元之後迄于貞元元和之際天下有觀察者十節度者二十有九防禦者四經畧者三犄角之師犬牙相制大都通邑無不有兵約計中外兵額又至八十餘萬長慶戶口凡三百三十五萬而兵額又約九十九萬通計三戶資奉一兵

今計天下租賦一歲所入總不過三千五百餘萬而
上供之數三之一焉三分之中二給衣賜自留州使
兵士衣食之外其餘四十萬衆仰給度支伏以時逢
理安運屬神聖然而兵不可弭食或惟時憂勤之端
兵食是切臣謬司邦計虔奉睿圖輒纂事功庶禋聖
覽四年計戶都管四百九十九萬六千七百五十二
武宗會昌中戶四百九十五萬五千一百五十一
五年八月制朕聞三代已前未嘗言佛漢魏之後像
教寢興是逢季時傳此異俗且一夫不田有受其餒
者一婦不織有受其寒者今天下僧尼不可勝數皆

待農而食待蠶而衣貞觀開元亦嘗釐革剷除不盡
流行滋多中外誠臣協予正意濟人利衆予不讓焉
天下還俗僧尼二十六萬五千餘人奴婢爲兩稅戶
十五萬人

梁太祖開平三年中書侍郎同平章事判戶部事于
兢奏伏乞降詔天下州府各准舊章申送戶口籍帳
允之

晉少帝開運元年八月勅夏秋徵科爲帳籍一季一
奏

周世宗顯德五年十月命左散騎嘗侍艾穎等三十

四人使于諸州簡定民租明年春使廻總計簡到戶二百三十萬九千八百一十二定墾田一百八萬五千八百三十四頃淮南郡縣不在此數是月又詔諸道州府令團并鄉村大率以百戶為團每團選三大戶為耆老凡夫家之有奸盜者三大戶察之民田之有耗登者三大戶均之仍每及三載即一如是

遷徙

周官比長之職凡徙于國中及郊則從而授之若徙于他鄉則為之旌節而行之無節則內之園土蓋徙名移貫之制舊矣周室之後施於列國遷徙民籍斯

可槩舉秦漢之後或充實關輔或尊奉園邑鄴是温房富室高訾大族或應募而徙或占數以居時加厚賜以申善誘至於畏敵國之侵擾濟窮邊之虛弱破姦猾之伍革蠻貊之政則又僑置郡縣空其疆宇者焉若乃徇人之欲因地之利就寬曠而為樂返舊故而攸寧優其振給加之蠲復斯固有如歸之美無失所之嘆也已

周武王克商成周既成洛陽遷殷頑民殷大夫士心不則德義之

經故徙近王周公以王命詔稱成王命

成王既踐奄遷其君子蒲姑已滅奄而徙其君及人臣之惡者于蒲姑蒲姑

桓王十五年

魯桓公七年

夏盟向求成于鄭既而背之

盟向

二邑名隱公十一年王以與鄭故求為鄭成

秋鄭人齊人衛人伐盟向王

遷盟向之民于郊

景王十二年

魯昭公九年

楚然丹遷城父人於陳以夷濮

西田益之

以夷田在濮水西者與城父人

遷方城外入於許

成十五年許遷

景調之許今許遷于夷故以方城外入實其處

秦始皇二十八年徙黔首三萬戶琅瑯臺下三十六

年徙民於北河榆中三萬家

漢高祖五年九月徙諸侯於關中

九年十一月徙齊楚大族昭氏屈氏景氏懷氏田氏

五姓關中與利田宅初婁敬使匈奴來因言匈奴河

南白洋樓煩王

白洋匈奴國名也

去長安近者七百里輕騎

一日一夕可以至

言匈奴欲來為寇者

秦中新破

秦中謂關中故秦也也新

破謂經兵革之後未殷實也

少民地肥饒可益實受諸侯初起時

非齊諸田楚昭屈景莫與

皆二國之士族

今陛下雖都關中

實少人北近胡寇東有六國強族一日有變陛下亦

未得安枕而臥也臣願陛下徙齊諸田楚昭屈景燕

趙韓魏後及豪傑名家且實關中無事可以備胡諸

侯有變亦足率以東伐此強本弱末之術也帝曰善

乃使劉敬徙所言關中十萬餘口

景帝元年正月詔曰其議民欲徙寬大地者聽之

武帝建元二年作茂陵邑三年春賜徙茂林者戶錢

二十萬田二頃

元朔二年夏募民徙朔方十萬口又徙郡國豪傑及

訾三百萬已上于茂陵初主父偃說帝曰茂陵初立

天下豪傑兼并之家亂眾民皆可徙茂陵內實京師

外消姦猾此所謂不誅而害除帝從之

元狩五年徙天下奸猾吏民于邊

猾狡也音乎入切

元鼎六年開西南夷置郡縣徙呂氏以充之因名不

韋縣 謂秦徙呂不韋子弟于蜀漢故以為名

是年分武威酒泉地置張掖敦煌郡徙民以實之

元封元年東越殺王餘善降詔曰東越險阻反覆為

後世患遷其民於江淮間遂虛其地三年秋分徙酒

泉郡 分謂不盡徙之也

太始元年徙郡國吏民豪傑于茂陵雲陵

此當言雲陽而轉寫者誤為陵耳茂陵帝自所起而雲陽甘泉所居故總

使徙豪傑也鈎弋趙婕妤死葬雲陽至昭帝即位始

尊為皇太后而起雲陵武帝時未有雲陵

昭帝始元三年二月秋募民徙雲陵賜錢田宅

四年夏徙三輔富人于雲陵賜錢戶十萬

宣帝本始元年春正月募郡國吏民貲百萬以上徙平陵

二年春以水衡錢為平陵徙民起第宅

水衡與少府皆天子私藏

耳縣官公作當仰給司農今出水衡錢言宣帝即位為異政也

元康元年徙丞相將軍列侯吏二千石貲百萬者社稷

成帝鴻嘉二年夏徙郡國豪傑貲五百萬以上五千戶于昌陵賜丞相御史將軍列侯公主中二千石冢地第宅

後漢光武建平十五年徙鴈門代郡上谷三郡民置

甯關居庸關以東

前書曰代郡有甯山關上谷郡居庸縣有關時胡寇數犯邊故徙之

十七年趙憙為平原太守時平原多盜賊憙與諸郡討捕斬其渠帥餘黨坐者數十人憙上言惡止其身可一切徙京師近郡帝從之乃悉移置潁川陳畱

二十六年雲中五原朔方北地定襄鴈門上谷代八

郡民歸於本土遣謁者分將施刑補理城郭發遣邊民在中國者布還諸縣皆賜以裝錢轉輸給食

東觀記曰

時城郭丘墟掃地上海前徙之

安帝永初五年三月詔隴西徙襄武安定徙美陽北地徙池陽上郡徙衛

順帝永建四年復安定北地上郡歸舊土

獻帝建安十六年曹公西征初自天子西遷雒陽人民單盡其後鍾繇以侍中守司隸較尉持節督關中諸軍繇徙關中民又招納亡叛以充之數年民間戶稍實曹公征關中得以爲資

十八年曹公恐江濱郡縣爲吳所略徵令內移民轉相驚自廬江九江蘄春廣陵戶十餘萬皆東渡江江西遂虛合肥以南惟有皖城

二十年曹公征張魯魯降雍州刺史張旣說曹公拔漢中民數萬戶以實長安及三輔其後與曹洪破吳

蘭于下辯又與夏侯淵宋建別攻臨洮狄道平之是時太祖徙民以充河北隴西天水南安民相恐動擾擾不安旣假三郡人爲將吏者休課使治屋宅作水碓民心遂安

魏文帝改長安譙許昌濮雒陽爲五都令天下聽內徙復五年安後又增其復

齊王以明帝景初三年正月卽位六月以遼東東沓縣吏民渡海居齊郡界以故縱城爲新沓縣以居徙民

元始元年二月以遼東汶北豐縣民流徙渡海居齊

郡之西安臨淄昌國縣界為新汶南豐縣以居流民
蜀後主建興十四年徙武都氐王苻健及氐民四百
餘戶於廣都

晉宣帝為驃騎大將軍都督雍州表徙冀州農夫佃
上邽

武帝大康中杜預為征南將軍初伐吳軍至江陵因
兵威徙將士屯戍之家以實江北南郡故地各樹之長
吏荆土肅然

孝武帝大元元年十月移淮北流人於淮南後趙石
勒之在襄國勒將遂音六明攻寧黑於荏平降之因破

東燕酸棗而還徙降人二萬餘戶於襄國又徙平原
烏丸展廣劉哆等部三萬餘戶於襄國劉琨長吏李
弘以并州降勒勒乃遷陽曲樂平戶于襄國置守宰
而還又徙秦州郡部眾五千餘戶于廣宗
石季龍又徙遼西北平漁陽萬戶于兗豫雍雒四州
之地

柳恭為河東郡守以季龍末喪亂乃率民南徙居于
汝潁之間故世仕江表
前秦苻堅既平鄴都徙關東豪傑及諸雜夷十萬戶
于關中處烏丸雜類于馮翊北地丁零翟斌于新安

徙陳留東阿萬戶以實青州諸因亂流移避仇遠徙
欲還舊業者悉聽之

後秦姚萇僭卽位於長安乃徙安定五千餘戶于長
安萇與符登相持時萇以安定地狹且逼符登使姚
頽德鎮安定徙安定千餘家于陰密姚興徙李閏羗
三千家於安定尋徙新安及姚泓僭立羗酋黨容率
所部叛遣撫姚讚討之容降徙其豪右數百萬于長
安餘遣還李閏

後燕慕容垂徙徐州流人千餘戶于黎陽

慕容皝率衆三萬伐高句驪襲其新城南蘇皆剋
之散其精聚徙其五千餘戶于遼西

後梁呂光初徙西海郡人於諸郡其後謠曰朔馬心
何悲念舊中心勞燕雀何徘徊意欲還故巢頃之遂
相扇動復徙于西河樂都

宋元帝元嘉二十二年武陵王駿討緣沔蠻移一萬
四千餘口于京師

二十三年遷漢川流民于沔次

二十七年使太子步丘較尉沈慶之自彭城徙流民
數千家於瓜步征北叅軍程天祚徙江西流民於南
州亦如之

二十八年冬徙彭城流民于瓜步淮西流民於姑孰合萬許家

孝武帝大明中孔靈符爲丹陽尹山陽縣土境褊狹民多田少靈符表徙無貲之家於餘姚鄞鄧三縣界墾起湖田帝使公卿博議太宰江夏王義恭議曰夫訓農脩本有國所同土著之民習玩日久如京師無田不聞徙居他縣尋山陰豪族富室頃畝不少貧者肆力非爲無處耕起空荒無救災歎又兼緣湖居民魚鴨爲業及有居肆理無樂徙尚書令掾元景右僕射劉秀之尚書王瓚之顧凱之顏師伯嗣湘東王譏

曰富戶溫房無假遷業窮身寒室必應徙居葺宇疏阜產粒無待資公則公未易充課私則私卒難具空募亡叛通郵及與樂田者其往經創粗脩立然後徙居侍中沈懷文王景文黃門侍郎劉凱郗暕議曰百姓雖不親農不無資生之路若驅以就田則坐相違奪且鄞等三縣去治並遠旣安之民忽徙他邑新垣未立舊居已毀去留兩困無以自資謂宜適任民情從其所樂開宥逋亡且令就業若審成腴壤然後議遷太嘗王玄謨議曰小民貧匱遠就荒疇去舊卽新糧種俱闕習之旣難勸之未易謂宜微加資給使得

肆勤明力田之賞申怠惰之罰光祿勳王昇之議曰
遠廢之疇方剪荆棘率課窮乏其事彌難資徙粗立
徐行無晚帝違議從其徙民竝成良業

後魏道武天興元年正月車駕發自中山至于望都
堯山徙山東六州民吏及徙何高麗雜夷三十六署
百工伎巧十萬口以充京師

二月詔給內徙新民耕牛計口受田
十二月徙六州二十二郡守宰豪傑吏民二千家於
代都

二年陳郡河南流民萬餘口內徙遣使者存勞之

明元泰嘗三年徙冀定幽三州徙何民於京師又娥清傳

云清為給事黃門侍郎先是徙何民散居三州頗為民害詔清徙之平城清善綏撫徙者如歸

太武始光四年帝率輕騎襲赫連昌徙萬餘家而還
徙民在道多死其能到都者纔十六七

延和元年車駕征馮文通徙營丘成周遼東樂浪帶
方玄菟六郡民三萬家於幽州開倉以賑之

太延元年詔長安及平涼民徙在京師其孤老不能
自存者聽還鄉

太平真君六年徙青徐之人以實河北又陸侯太武時與高涼王

那渡河南界地至濟南東平陵徙其民六千家實河北

七年徙長安城內工巧二千家於京師

獻文皇興三年徙青州齊民於京師

孝文太和十九年詔遷雒之民葬河南不得遷河北

於是代人南者悉為河南雒陽人

宣武正始元年以苑牧公田分賜代遷之戶

孝明武泰元年鎮南將軍源子恭勒眾渡淮徙民於

淮北立郡縣置戍而還

西魏文帝大統十二年獨孤信平涼州擒宇文仲和

遷其民六千餘家於長安

廢帝二年二月東梁州平遼遷其豪帥于雍州

手欽
若等

引按後周及北史西魏
廢帝恭帝年號皆無

恭帝元年以巴湘初附詔李賢為郢州刺史總監諸

軍畧定乃遷江夏民二千餘戶以實安州并築甌山

城而還

東魏孝靜天平元年遷都於鄴出粟一百三十六萬

石以賑貧人是時六坊之眾從武帝而西者不能萬

人餘皆北徙並給葦廩春秋二時賜帛以供衣服之

費

北齊神武帝為魏相命孫騰高隆之分括無籍之戶

得六十餘萬於是僑居者各勒還本屬

文宣天保八年議徙冀定瀛無田之人謂之樂遷于幽州范陽寬鄉之處百姓驚擾又以頻歲不熟米糴湧貴矣

後周武帝建德六年十二月行幸并州宮移并州軍人四萬戶於關中

宣帝大象元年詔曰雒陽舊都今既脩復凡是元遷之戶竝聽還雒州此外諸民欲往者亦任其意河南幽相豫毫青徐七總管受東京六府處分

隋煬帝大業元年三月丁未詔尚書令楊素納言楊達將作大匠宇文愷營建東京徙豫州郭下居民以實之又詔徙天下富商大賈數萬家於東京

唐高祖初爲唐王下令曰比年寇盜郡縣饑荒百姓流亡十不存一貿易妻子奔波道路雖加周給無救倒懸京師倉廩軍國資用罄以恤民便闕支擬今岷嶓款服蜀漢沃饒閭里富於倚陶菽粟同於水火曩者儲蓄徵斂實繁帑藏猶殷宐垂拯濟木牛流馬非可轉輸樂土重遷理無從卜則窮通之道將由革變外內戶口見在京者宐依本土置令以下下官部領就食劍南諸郡所有官物隨至糴給明立條格務使穩便秋收豐實更聽進止

太宗貞觀元年朝議戶數之處聽徙寬鄉陝州刺史崔善爲上表曰畿內之民是謂戶殷丁壯之人悉入軍府若聽移轉便出關外此則虛近實遠非經通議其事遂止

則天天授二年七月二十四日徙關外雍同泰等七州戶數十萬以實雒陽

玄宗開元十六年十月勅州客戶有情願屬緣邊州者至彼給良沃田安置仍給永年優復宜令所司卽與所管客戶州計會召取情願者隨其所樂具數奏

聞

敬宗寶曆元年五月勅黔首如有願於所在編附籍帳者宜令州縣優恤給與閑地二周年不得差遣

至履畝之政作兵甲之歛生失於舉中異夫稽古漢氏之後或因或革若夫度田以收租量口以出調成丁以給役計役以收庸隨風宜以折課奠物直以徵算乃至蠻俚之俗亦收財賦司籍之記可得而徵然而制財用之節量輕重之法陳之藝極歸于底慎必在乎稽先王之彝憲求歷代之令典是以什一而賦謂之中正頌聲之作罔不繇是焉

堯時禹為司空平水土既別九州作禹貢冀州厥賦

惟上上錯

賦謂土地所生以供天子

兗州厥賦貞

貞

也州第九賦正與九相當

作十有三載乃同

作治十三年乃使賦法與他州同

貢漆絲厥篚織文

地宜漆絲又宜桑蠶織文錦綺之屬盛之箱篚而貢焉

青州

厥賦中上

賦第

厥貢鹽絺海物惟錯

絺細葛錯雜非一種

岱畎

絲枲鈔松惟石

畎谷也怪石好石似玉者岱山之谷出此五物皆貢之

徐州厥

賦中中

賦第

厥貢惟土五色

王者封五色土為社建諸侯則各割其方色土

與之使立社燾以黃土苴以白茅茅取其潔黃取王者覆四方羽畎夏翟嶧陽孤桐

夏翟翟雉名羽中旌旄羽山之谷有之孤特也嶧山之陽時生梧中琴瑟泗濱浮磬淮夷

蠙珠暨魚

泗水淮夷水中見石可以為磬蠙珠珠名淮夷水中出蠙珠及美魚

厥篚玄

織縞

玄黑縞縞白縞織細也

揚州厥賦下上上錯

賦第

七雜出

厥貢惟金三品

金銀銅也

璚瑰篠蕩

璚瑰皆美玉

齒革

務毛惟木

齒象牙革犀皮羽毛

島夷卉服

北海島夷草服葛越

邦計部

卷之四十一

厥篚織貝

織細紵貝文物

厥包橘柚錫貢

小口橘大曰柚其听包裹而致者錫

命乃貢

言不實 荆州厥賦上下

賦第三人功修

厥貢羽毛齒革惟金

三品

土所出與楊州同

柶榦栝栢

三木名栝栢松身口栝

礪砥帑丹

砥細

手礪皆磨石也 柶中矢鏃丹朱類也

惟箇籥楛三邦底貢厥名

箇籥美竹楛木

各三物皆出雲夢之澤近澤三國嘗致貢之名天下稱善

包匭菁茅

匭匣也菁以爲直茅以縮

酒 厥篚玄纁纁組

此州染玄纁色善故貢之璣珠類生于水組綬類

九江納

錫大龜

尺二寸曰大龜出于九江水中龜不常用錫命而納之

豫州厥賦錯上

中 賦第二又雜

厥貢漆泉絺紵厥篚織纁

纁細綿 錫貢

磬錯

治玉石曰錯此治磬錯

梁州厥賦下中三錯

賦第八雜出第七九二

等 厥貢瓊鐵銀鏤砮磬

瓊玉名鏤剛鐵

熊羆狐狸織皮

貢四獸之

皮織

雍州厥賦中下

賦第六人功少

厥貢惟球琳琅玕

球玉

石琅玕石

庶土交正底慎財賦

交俱也衆土俱得其正慎者言取之有節

不過

咸則三壤成賦中邦

皆法壤田上中下大較二品成九州之賦明水害除

五百里甸服

規方千里之內謂之甸服爲天子服治田賦王城四面五百里

百里賦

納總

甸服內之百里近王城者禾藁曰總入之俱飼國焉

二百里納錙

錙刈謂禾穗

三百里納秸服

結藁也

四百里粟五百里米

所納近者粗遠者精

五百里侯服

甸服外之五百里侯也介侯而服事

百里采

侯服內之百里供王

事二百里男邦

男任也任王事者

三百里諸侯

三百里同爲王者斥侯故

合三爲

五百里綏服

綏安也侯服外五百里安服王者政教

三百里揆

文教

揆度也度王者文教而行之三百里皆同

二百里奮武衛

文教外之

武衛天子

五百里要服

綏服之外五百里要束以文教

三百里夷

守

堂之教事

二百里蔡

蔡法也法三百里而差簡

五百里荒服

要服之外

王者而已

五百里蠻

以文德招來之不制以法

二百里流

流移也言政教

隨其俗凡五服相

距為方五千里

夏后氏五十而貢

殷人七十而助

助藉也

天子百里之內以供官千里之

內以為御

謂此地之田稅所給也官謂其文書財用也御謂衣也

是時公田藉

而不稅

藉之言借也借民以治公田美惡取于此不稅民之所自治也

周人百畝而徹

徹通也

圭田無征

圭猶治也征稅也孟子曰卿以下必有圭

田治圭田者不稅所以厚賢也此則周

籍之上田以任近郊之地稅什一也

小司徒之職

乃經土地而井牧其田野九夫為井四井為邑四邑

為丘四丘為甸四甸為縣四縣為都以任地事而令

貢賦凡稅斂之事

井牧者春秋所謂井衍沃牧隰臯者也隰臯之地九夫為牧二牧而

當一井今造都鄙授井田有不易有一易有再易通

率二而當一是一謂井牧百里之國凡四都一都之

田稅入于王五十里之國凡四甸一甸之田稅入于

王二十五里之國凡四甸一甸之田稅入于王地事

是謂農牧衡虞也貢謂九谷山澤乃分地域而辨其

之財也賦謂出車徒給徒後也職謂九職也政卿大夫之職以

守施其職而平其政歲時登夫家之衆寡辨其可任者國中自七尺以及

六十野自六尺以及六十有五皆征之其舍者國中

貴者賢者能者服公事者老者疾者皆舍以歲時入

其書登成也定也國中城郭中也晚賦稅而早免之以其復多後少早賦稅而晚免之以其復少後多征之者給公上事也舍者謂有復除舍不收事也貴者謂若宗室及闕內侯皆是服公事者謂若吏什也老者謂若八十九十之類疾者謂若疲瘳者入其書者言于大司徒

載師掌任土之法以物地事授地職而待其政令任者任其力勢所能生育且制貢賦也物物色凡任地之以知其所宜之事而授農牧衡虞使職之

國宅無征園廛二十而一近郊十一遠郊二十而三甸稍縣都皆無過十二唯其漆林之征二十而五征稅

也言征以供國政也任地謂任土地以起稅賦也國宅城中宅也無征無稅也周稅輕近而重遠近者多役也園廛亦輕之者廛無穀園少利也

閭師掌國中及四郊之人民六畜之數以任其力以

待其政令以時征其賦賦謂九賦及九貢凡任民任農以耕

事貢九谷任圃以懋事貢草木任工以飾材事貢器

物任商以市事貢貨賄任牧以畜事貢鳥獸任嬪以

女事貢布帛任衡以山事貢其物任虞以澤事貢其物貢草木謂葵韭果蔬之屬凡無職者出夫布獨言無職者掌其九賦

魯宣公十五年秋初稅畝公田之法十取其一今又覆其餘畝復十收其一故非禮也穀出不過藉周法民制百畝公田

成公元年三月作丘甲周禮九夫為井四井為邑四邑為丘丘十六井出戎馬一十牛三頭四丘為甸甸六井出長轂一乘戎馬四匹十十二頭甲士三人步卒七十二人此甸所賦今魯

邦計部

五

使丘出之重歛也

昭公四年鄭子產作丘賦

丘十六井當出馬一匹牛三頭今子產別賦其田財

通共出馬一匹

哀公十二年春用田賦

古者九夫為井十六井為丘丘賦之法因其田財通共出

馬一匹牛三頭今別其田及家財各為一賦故言田賦

先是季孫欲以田賦使

冉有訪諸仲尼仲尼曰丘不識也三發

三發問卒曰終

也子為國老待子而行若之何子之不言也仲尼不

對不答而私於冉有曰君子之行也

行政事度於禮施

取其厚事舉其中歛從其薄如是則丘亦足矣

丘謂之嘗

法若不度於禮而貪冒無厭則雖以田賦又將不足

且子季孫若欲行而法則周公之典在若欲苟而行

又何訪也弗聽

秦孝公十四年初為賦

制貢稅之法

漢高祖即位初約法省禁輕田租什五而稅一量吏

祿度官用以賦於民

饒取之

四年八月初為算

漢儀注民年十五以上至五十六出賦錢人百二十為一算為治庫

兵車馬

十一年二月詔曰欲脩省賦甚

意甚欲省賦歛也

今獻未有

程

程法式也

吏或多賦以為獻而諸侯王尤多民疾

諸侯王賦

其國中以為獻物又多於郡故百姓疾苦之

今諸侯王通侯嘗以十月朝

獻及郡各以其口數率率計也人歲六十三錢以給獻

費

惠帝即位初減田租復十五稅一漢家初十五稅一儉於周十稅一也

中間廢今復之也

六年十月令女子十五以上至三十不嫁五算國語越王

句踐令國中女子年十七歲不嫁者父母有罪欲人

民繁息也漢律人出一算算百二十錢惟賣人與奴婢倍算今使五算罪謫之也

文帝時人賦四十丁男二十年而事嘗賦歲百二十

人多故出賦四十三歲一事

景帝二年五月令田半租三十而稅一也

武帝建元元年二月詔年八十復二算九十復田卒

二算二口之算也復田卒不豫革車之賦也

元光六年冬初算商車始稅商賈車船令出算時商賈以弊之

變多積逐利于是公卿言郡國頗被灾害貧民無產

業者募徙廣饒之地陛下損膳省用出禁錢以賑元

元寬貸而民不齊出南畝言農人尚少不皆務耕種也商賈滋衆

貧者畜積無有皆傾縣官異時算輶車賈人之緡皆

錢有差小異時言往時也輶小車也緡謂錢貫也請算如故諸賈人未

作貫貸賣買居邑貯積諸物貫除也貸假與也及商以取利

者雖無市籍各以其物自占古隱度也各隱度其財物多少而為各簿送之

於官 也 率緡錢二千而算一 率計有二千錢者則出一算 諸作有租

及鑄 以手力所作而賣之者 率緡錢四千算一非吏比者三老

北邊騎士輜車一算 此例者身非為吏之例非為二老非為邊騎士而輜車皆令出

一商賈人輜車二算 商賈人有輜車又使多出一算重其賦 缸五丈以

上一算匿不自占占不悉戍邊一歲沒入緡錢 悉盡也

有能告者以其半畀之

元狩四年冬初算緡錢 緡絲也以貫錢也一貫千錢出算二十也謂有儲積錢者

計其緡貫而稅之

昭帝元鳳六年夏詔曰谷賤傷農今三輔太嘗谷減

其令以菽粟當今年賦

元平元年二月詔曰天下以農桑為本日者省用罷

不急官減外繇耕桑者益眾而百姓未能家給朕甚

愍焉其減口賦錢有司奏請減十三帝許之

宣帝甘露二年春減民算三十 一算減錢三十也

元帝即位初諫大夫貢禹奏言古民無賦算口錢起

武帝征伐四夷重賦於民民產子三歲則出口錢故

民重困至於生子輒殺甚可悲痛宜令兒七歲去齒

乃出口錢年二十乃算天子下其議令民產子七歲

乃出口錢自此始

成帝建始二年正月減天下賦算四十 本算百二十今減四十為

八

平帝元始元年六月天下女徒已論歸家顧出錢月

三百

謂女徒論罪已定並放歸家不親後之但令一月出錢三百以僱人也

後漢光武建武六年十二月詔曰頃者師旅未解用

度不足故行什一之稅

謂十分而取其一也孟子曰夏五十而貢殷七十而助周

百畝而徹其

實皆什一也今軍士屯田糧儲差積

武帝初通西域始致較尉屯田

其令郡國收見田租三十稅一如舊制

景帝二年令人田租三十

而稅一今依景帝故云舊制

桓帝延熹八年八月初令郡國有田者畝斂稅錢

十畝

稅

靈帝中平二年二月稅天下田畝十錢

以脩宮室

魏太祖初平袁氏以定鄴都令收田租畝粟四升戶

絹二疋并綿二斤餘不得擅興

晉武帝平吳之後制戶調之式丁男之戶歲輸絹三

疋綿三斤女及次丁男為戶者半輸其諸邊郡或三

分之二遠者三分之一夷人輸寶布戶一疋遠者或

一丈男女年十六已上至六十為正丁十五已下至

十二六十一已上至六十五為次丁十二已下六十

六已上為老小不事遠夷不課田者輸義米戶三斛

遠者五斗極遠輸算錢人二十八文

元帝時百姓之自投南奔者竝謂之僑人皆取舊壤之名僑立郡縣往往散居無有土着江南之俗火耕水耨土地卑濕無有畜積之資諸蠻俚洞霑沐王化者為隨輕重收其賤物以裨國用其嶺外酋師因生口翡翠明珠犀象之饒擁於鄉曲者朝廷因而置之以收其利

歷宋齊梁陳皆因而不改其軍國所須雜物隨土所出臨時折課市取乃無嘗法定例令州郡縣制其任土所出以為徵賦其無貫之人不樂州縣編戶者謂之浮浪人樂輸亦無定數任量准所輸終優於正課焉其課丁男調布絹二丈絲三兩綿八兩祿絹八尺祿

綿三兩二分租米五石祿米二石丁女竝半之男女年十六已上至六十為丁女年十六亦半課男年十六正課六十六免課女以嫁者為丁若在室者年二十乃為丁其男丁每歲役不過二十日又率十八人出一運丁役之其田畝稅米二升蓋大率如此其度量斗則三斗當今一斗稱則三兩當今一兩尺則一尺二寸當今一尺

成帝咸和五年始度百姓田取十分之以率畝稅米三升

哀帝隆和元年減田租畝收二升

孝武太元二年除度田收稅之制公王以下口稅三斛惟蠲在後之身八年增稅米五石

宋孝武大明五年十二月制天下民戶歲輸布四疋七年十二月制聽受雜物當租以浙東諸郡大旱

南齊武帝永明四年詔揚南徐二州今年戶租三分二取見布一分取錢來歲以後遠近諸州輸錢處並

減布直疋准四百依舊折半以為永制

明帝建武四年詔所在結課屋宅田桑可詳減舊價

後魏道武天興初詔採諸漏戶令輸綸絲

自後諸逃戶占為細

鹽羅款甚眾

明元永興五年正月詔諸州六十戶出戎馬一匹

泰常六年二月調民二十戶輸戎馬一匹大牛一頭

六部民羊滿百口輸戎馬一匹

文成興安二年正月詔與民雜調十五

獻文以和平六年五月即位六月詔曰夫賦斂煩則

民財匱課調輕則用不足是以什一而稅頌聲作矣

先朝權其輕重以惠百姓朕承洪業上惟祖宗之休

命夙興待旦惟民之恤故令天下同於逸豫而徭賦

不息將何以塞煩去苛拯濟黎元者哉今兵革不起

蓄積有餘諸有雜調一以丐民

先是興安中文成以嘗賦之外雜調十五

頗為煩重將與除之尚書毛法仁曰此是軍國資用
令頓罷之臣愚以為不可帝曰使地利無窮民力不
竭百姓有餘吾孰與不足遂免之未幾復調如是年
前至是乃終罷焉于是賦斂稍輕民復贍矣

因民貧富為租輸三等九品之制千里外納米上三
品入京師中三品入他州要倉下三品入本州

孝文延興三年七月詔河南六州之民戶收絹一疋

綿一斤租三十石十月太上皇將南討詔州郡之民

十丁取一以充行戶收租五十石以備軍用

五年四月詔天下賦調縣專督集牧守封簡送京師

違者免所居官

太和八年六月始准古班百官之祿以品第各有差

先是天下戶以九品混通戶調帛二疋絮二斤絲一

斤粟二十石又入帛一疋二丈委之州庫以供調外

之費至是戶增帛三疋粟二石九斗以為官司之祿

十年給事中李冲上言宜准古五家立一鄰長五鄰

立一里長五里立一黨長長取鄉人強謹者鄰長復

一夫里長二黨長三所復復征戍餘若民三載亡愆

則陟用陟之一等其民調一夫一婦帛一疋粟二石

民年十五以上未娶者四人出一夫一婦之調奴任

耕婢任織者八口當未娶者四耕牛二十頭當奴婢

者八其麻布之鄉一夫一婦布一疋下至牛以此為

降大率十疋爲公調二疋爲調外費三疋爲內外百官俸此外雜調民年八十以上聽一子不從役孤獨癯老篤疾貧窮不能自存者三長內迭養之書奏諸官通議稱善者衆孝文從之於是遣使者行其事乃下詔曰夫任土錯貢所以通有無井乘定賦所以均勞逸有無通則民財不匱勞逸均則人樂其業此自古之嘗道也又鄰里鄉黨之制所由來久欲使風教易周家至日見以大督小從近及遠如身之使手幹之總條然後口算平均義興訟息是以三典所用隨世濟隆貳減之行從事損益故鄭僑復丘賦之術周

人獻盡徹之規雖輕重不同而當時俱適自昔以來諸州戶籍貫不實包藏隱漏廢公罔私富強者弁兼有餘貧弱者餬口不足賦稅齊等無輕重之殊力役同科無衆寡之別雖建九品之格而豐塉之土未融雖立均輸之措而蠶織之鄉無異致使淳化未樹民情偷薄朕每思之良懷深慨今革舊從新爲里黨之法在乎牧守宜以喻民使知去煩卽簡之要初百姓咸以爲不若循掌豪富弁兼尤弗願也事施行後計省昔十有餘倍於是海內安之

十二年詔郡臣求安民之術有司上言請折州郡掌

調九分之二京都度支歲用之餘各立官司豐年糶貯於倉時儉則加私之一糶之於民如此民必力出以買絹積財以取官粟年登則嘗積歲凶則直給又別立農官取州郡戶十分之一以為屯民相水陸之宜斷頃畝之數以贖贖雜物市牛科給令其肆力一夫之田歲貢六十斛既其正課并征戍雜役行此二事數年之中則穀積而民足矣帝覽而善之尋施行焉自此公私豐贍雖時有水旱不為災也

二十年十月以州司之民十二夫調一吏為四年更卒歲開耆假以供公私力役

孝明孝昌二年冬稅京師田租畝五升借貸公田者

畝一斗

是時辛穆為汝陽太守值水澇民饑上表請輕租賦孝明從之遂勅汝陽一郡聽以小絹

為調

出帝太昌元年六月詔曰間者凶權誕恣法令變常遂立夷貊輕賦冀收天下之意隨其箕斂之重終納十倍之征掩目捕雀何能過此朕屬念黎蒸無忘寢食加以田桑始事生業未滋若頓依常格或不周展今歲租調且兩收一丐來年復舊北齊文宣天保初立九等之戶富者稅其錢貧者役其力

武成河清三年定令率以十八受田輸租調二十充
 兵六十免力後六十六退田免租調率人一牀調絹
 一疋綿八兩凡十斤綿中折一斤作絲舊制未娶者
輸半牀租調
 有妻者輸一牀無者半牀墾租二石義租五斗奴婢各准良人之
 半牛調絹二丈墾租一斗義租五升墾租送臺義租
 紬郡以備水旱皆依貧富為三梟其賦稅常調則少
 者直出上戶中者及中戶多者及下戶上梟輸遠處
 中梟輸次遠下梟輸當州倉三年一較租入臺者五
 百里內輸粟五百里外輸米入州鎮者輸粟人欲輸
 錢者准上絹收錢

後周太祖為西魏相國創制司賦掌功賦之政令民
 人自十八以至六十有四與輕癯者皆賦之其賦之
 法有室者歲不過絹一疋綿八兩粟五斛丁者半之
 其非桑土有室者布一疋麻十斤丁者又半之豐年
 則全賦中年半之下一之皆以時徵焉若罹凶禮則
 不徵其賦司役掌力役之政令凡人自十八以至五
 十有九皆任於役豐年不過三旬中年則二旬下年
 則一旬凡起徒役無過家一人其人年八十者一
 子不從役百年者家不從役廢疾非人不養者一人
 不從役若凶禮又無力役

武帝保定元年三月改八丁兵為十二丁兵率歲一月後

隋高祖開皇元年遷都發山東丁毀造宮室仍依周制役丁為十二番匠則六番

二年頒新令丁男一牀租粟三石桑土調以絹純麻土調以絹布絹純以疋加綿三兩布一端加麻三斤

單丁及僕隸為半之有品爵及孝子順孫義夫節婦並免課役

三年正月減十二番令歲役功不過三十日不役者收庸減調絹一疋為二丈

初蘇威父綽仕西魏為度支尚書以國用不足為征

稅之法頗稱其重既而歎曰今所為者正如張弓非平世法也後之君子誰能弛乎威聞其言每以為已任至是威為民部尚書奏減賦後務從經典帝悉從之

十年五月制人年五十免役收庸

是時宇內無事益輕徭賦焉

十八年五月左僕射高穎奏諸州無課調處及課州管戶數少者官人祿力乘前以來嘗出隨近之州但判官本為牧人役力理出所部請於所管戶內計戶徵稅帝從之

文帝大業初除婦人及奴婢部曲之課其後將事遼

唐高祖武德二年制每一丁租二石絹二疋綿三兩

自茲以外不得橫有調斂

七年三月始定均田賦稅每丁歲入粟三石調則隨鄉土所產綾絹絕爲二丈布加五分之一輸綾絹絕者兼調綿三兩輸布者麻三斤凡丁歲後二旬若不後則收其庸每日三尺有事而加後者旬有五日免其調三旬則租調俱免通正後不過五十日若嶺南諸州則稅米上戶一石二斗次戶八斗下戶六斗若夷獠之戶皆從半輸蕃胡內附者上戶丁稅錢十文次戶五文下戶免之附經二年者上戶丁輸半二口次戶一口下三戶共一口凡水旱蟲傷爲災十損四

以上免租損六以上免調損七以上課後俱免

玄宗開元九年十月勅曰如聞天下諸州送租庸行綱發州之日依數收領至京都不合有欠或自爲停滯因此耗損兼擅將貨易交折遂多妄稱舉債陪填至州重徵百姓或假托貴要肆行逼迫江淮之間此事尤甚所由旣下文牒州縣遞相稟承戶口艱辛莫不由此自今以後所有損欠應須陪填一事以上並勒行綱及元受領所由人知其受納司不須爲行下文牒州縣亦不得徵打仍委按察司採訪如有此色所由官停却具狀奏

十六年七月勅諸州稅及地稅等宜令州郡長吏專
勾當依限徵納訖具所納數及徵官名品申省如徵
納違限及簡覆不實所由官竝先與替仍准法科徵
二十二年五月勅定戶之時百姓非商戶郭外居宅
及每丁一牛不得將入財貨數其雜匠及幕事并諸
色同類有番役令免征行者一戶之內四丁已上任
色役不得過兩人三丁已上不得過一人

七月勅自今已後京兆府關內諸州應徵庸調及資
課并限十月三十日畢

二十三年六月勅天下百姓正丁課輕徭役所入惟
納租庸人以安之國用甞足此緣戶口殷衆色役繁
多每歲分番計勞入任因納資課取便公私兼租鄣
稅戶權宜輕率約錢定數不得不然如聞州縣官僚
不能處置凡如此色邀納見錢或非時徵納錢賣布
帛旣輕蠶織爭務貨泉農商之間頗亦爲弊朕每思
敦本將以便人期於省約使致通濟自今已後凡是
資課稅戶租脚營窖折里等應納官者竝不須令出
見錢抑遣徵備任以當土所司均融支料甞令折衷
十道使明加簡察勿使乖宜

二十五年四月勅關輔庸調所稅非少說寡蠶桑皆

資菽粟嘗賤糴貴賣捐費逾深又江淮苦變造之勞河路增轉輸之弊每計其運脚數倍加錢今歲屬和平庶物穰賤南畝有十千之獲京師同水止之饒均其餘以減遠貴順其便使農無傷自今已後關內諸州庸調資課並宜准時價變粟取米送至京逐要支用其路遠處不可運送者所在收貯便充隨近軍糧其河南河北有不通水舟宜折租造絹以代關中調課所司仍明為條件稱朕意焉

九月詔曰大河南北人戶殷繁衣食之原租賦尤廣頃年水旱厥庾尚虛今歲屬和平時遇豐稔而租所入水陸運漕緣脚錢雜必甚傷農務在優饒惠彼黎庶息其轉輸大實倉儲今年河南河北應送含嘉太原等倉租米宜折粟留納本州

天寶元年正月勅如聞百姓之內有戶高丁多苟為規避父母見在乃別籍異居宜令州縣勘會其一家之中有十丁已上者放兩丁征行賦役五丁已上放一丁即令同籍共居以敦風教其賦丁孝假與免差科

三年十一月制自今以後天下百姓宜以十八已上為中男二十三已上成丁每載庸調八月徵收農功

未畢恐難濟辨自今已後延至九月二十日為限
 八載正月勅朕永念黎元務弘愛育所以惠政頻及
 善貸相仍亦將克致和平登於仁壽如聞流庸之輩
 漸亦歸復浮食未還其數非廣靜言此色竝見其繇
 蓋為宰牧等授任親人職在安戢稍有逃逸恥言減
 耗籍帳之間虛存戶口調賦之際旁及親隣此弊因
 循其事自久寤寐興念良用憮然不有釐革孰致殷
 阜其承前所有虛掛丁戶應徵租庸課稅令近親隣
 保代輸者宜一切竝停應合除削各委本道採訪使
 與外州相知審細簡覆申牒所繇分其逃還復業者

務令優恤使得安存縱先為代輸租庸不在酬還之
 限是時庸調租等約出絲綿郡縣計三百七十餘萬
 丁庸調輸絹約七百四十餘萬疋每丁計綿則百八
 十五萬餘屯每丁三兩六兩為屯租粟則七百四十
 餘萬石每丁約出布郡縣計四百五十餘萬丁庸調
 輸布約千三十五萬餘端每丁兩端一丈五尺其租
 約百九十餘萬丁江南郡縣折納布約五百七十餘
 萬端大約八等以下戶計之八等折租每丁三端二
 百六十餘萬丁江北郡縣納粟約五百二十餘萬石
 大凡都計租稅庸調每歲錢粟絹綿布等約得五千

册戶元龜 賦稅 卷之四百八十七
二百三十餘萬端尺屯貫石

十四載八月制天下諸郡逃戶有田宅產業妄被人
破除并緣欠負租庸先以親鄰買賣及其歸復無所
依投永言至此須加安輯應有復業者宜竝却還縱
已代出租稅亦不在徵陪之限國之役力合均有無
比來應定門夫殊非得所每縣中男多者累載方始
一差中男少者一周遂後數過既緣偏併豈可因循
自今已後諸郡所差門夫宜於當郡縣通率准式納
課分配令得均平

代宗廣德元年七月詔一戶之中有三丁放一丁庸

調地稅依舊每畝稅二升天下男子宜二十五歲成
丁五十五入老應徵稅租刺史縣令據見在戶徵稅
其逃亡絕者不得虛攤鄰保

二年二月制寇戎以來積有年歲徵求數廣凋弊轉
深自今已後除正租稅及正勅并度支符外餘一切
不在徵科限

永康元年五月京畿表大稔京兆尹第五琦奏請每
十畝官稅一畝效古十一之義從之

二年五月諸道稅地錢使殿中侍御史韋元胤等自
諸道使還乾元已來屬天下用兵京師百官俸錢減

耗帝卽位推恩庶僚下議公卿或以稅畝有苗者公
私減濟乃分遣憲官稅天下地青苗錢以充百司課
料至是得錢四百九十萬貫仍以御史大夫爲稅地
錢物使歲以爲嘗均給百官

大曆元年十一月制曰夫從簡之道大易至言薄賦
之規前王令範朕志遵儉約務欲息人徵歛無期誠
爲勞弊天下百姓除正租庸及軍器所須外不承正
勅一切不得輒有科率逃亡失業萍泛無依特宜招
綏使安鄉井其逃戶復業者宜給復三年如百姓先
負賣田宅盡者宜委州縣取逃戶死口田宅量丁口

充給仍仰縣令親至鄉村安存處置務從樂業以贍
資糧王畿之間賦歛尤重百役供億當甚艱辛哀我
疲人良深憫念盍徹之稅著自周經未便於人何必
行古其什一之稅宜停

四年正月詔曰有司定天下百姓及王公已下每年
稅錢分爲九等上上戶四千文上中戶三千五百文
上下戶三千文中上戶二千五百文中中戶二千文
中下戶一千五百文下上戶一千文下中戶七百文
下下戶五百文其見任官一品准上上戶九品准下
下戶餘品並准依此戶等稅若一戶數處任官亦每

處依品納稅其內外官仍據正員及占額內闕者稅其試及同正員文武官不在稅限其百姓有邸店行舖及爐冶應准式合加本戶二等稅者依此稅數勘責徵納其寄莊戶准舊例從八等戶稅寄卜任戶從九等戶稅比類百姓事恐不均宜各遞加一等稅其諸色浮客及權時寄任戶等無間有官無官亦所在爲兩等收稅稍殷者准八等戶餘准九等戶如數處有莊田及每處稅諸道將士莊田旣緣防禦勤勞不可同百姓例竝一切從九等輸稅

十月勅曰北屬秋霖頗傷苗稼百姓種麥其數非多如聞村間不免流散來年稅麥須有優矜其大畝二五年夏麥所稅特宜與減嘗年稅其地總分爲兩等上等每畝稅一斗下等每畝稅五升其荒田如能開佃者一切每畝稅二升令在必行用明大信仍委令長宣示百姓并錄勅榜示村坊要路令知朕意

十二月勅頃以蕃寇猶虞王師未戢所資軍費皆出邦畿征調薦興日加煩重念流亡之後減歲入之租務於惠養冀有蘇息尚聞告病終未安居深用愧悼更息愛卹今關輔諸州墾田漸廣江淮轉漕嘗數又加計一年之儲有大半之助其餘他稅固可從輕其

京兆來年秋稅宜分作兩等上下各半上等每畝稅一斗下等每畝稅六升其荒田如能佃者宜准今年十月二十九日勅一切每畝稅二升仍委京兆尹及令長一一存撫令知朕意

五年三月定京兆府百姓稅夏稅上田畝稅六升下田畝稅四升秋稅上田畝稅五升下田畝稅三升荒田開佃者畝率二升

八年正月詔諸色丁匠如有情願納贖課代役者每月每人任納錢二千文其青苗地頭錢天下諸州每畝率十五文比以京師煩劇加至三十文自今已後

宜准諸州例每畝十五文

